

Hmuihmel

Mennonite Church Eastern Canada cu miphun kip tampi tel mi kan si. Pathian in duhdawtnak thawn thleng mi Bawi Jesuh sungih hmuhsuak mi Ruahsannak thawn Thlarau Thianghkim ih huham le cahnak ih ko suahnak thawn

Kan nih Mennonite Church Eastern Canada cu Mennonite Church Canada le Mennonite World Conference ih lungkim nem hnget mi hnattuan pi Kawhhran, Anabaptist Church si dingah Pathian in in ko tiah zumnak kan nei a si. Himi cu kan nunpi rero mi kan nun phung ih muril pawl a si mi: Jesuh cu kan zumnak lungpi asi; kan kiangkap um mi phun pawl cu kan nunnak ih a thupi bik; le rualremnak cu kan hnattuannak ih a thupi bik timi pawl hi a si. Biaknak sungih a tlang leng mi kan si vekin, kan nih cu Pathian in leilung par ih a tumtah mi hnattuan pawl ah tel ve dingah le Bible sungih zirhvek in miphun zate Pathian in Bawi Jesuh hnen ihsin a lang ter mi Duhdawtnak laksawng cu miphun zate in an thei ih an tep suak thei ding hrangah thazaang pek thei ding hrangah hna kan ttuan mi a si.

Tumtahnak

Regional Kawhhran pakhat kan si vekin:

- Biakkhawmnak ah siseh, dungthluntu hrinsuahnak ah siseh, Pathian ram karh zaiternak Mission hnattuannak pawl ah siseh Congregations pawl thazaang cak ter sin dingah.
- Ruahsannak, Sun Mang le Piantharnak lam ah hruaitu pawl thazaang pek dingah.
- Pathian sersiam mi zate hrang rualremnak hrang hnattuannak.

Muril pawl

Duhdawtnak – Pathian hmuihmel keng ih sersiam a simi minung kan zate cu Pathian hmaiah bangrep thluh kan si.

Thlarau – Biakkhawmnak le Thlacamnak in Pathian ih duhdawtnak ah hram in bun ih, Thlarau Thianghlim ih cangvaihnak thawn in peh zom ter a si.

Thlengawnak – Pathian in kan nunnak le leilung pi hrang a hnttuannak pawl hmuh thei dingah kan ruahsan ih thlengawknak cu kan cohlang a si.

Kiangkap Innhen – Kiangkap innhen pawl thawn pehzomnak ah tthangso tlang, zir tlang le hnattuan tlang in Pathian ih aw kan ngai tlang a si.

Khual Dawtnak– Pathian ih sunlawinak cabuai ah zozo khal cohlang an si.

Remdeihnak le Dingfelnak – Kan zate Pathian ih remdeihnak sungah sersiam mi zate hrang kan um a si.

Kan hmuihmel, tumtahnak le muril pawl cu ram huap in Mennonite Church Canada ih sunmang a si.

Jesuh ih dungthluntu si dingah, Thlarau Thianghlim ih huham cahnak thawn in kiangkap innhnen pawl thawn Pathian sunlawinak, lungawinak le remdeihnak thawn tthangso tlang dingah le kanmah hnen ihsin Pathian ih damcahnak le ruahsannak cu leilung pum paluk ah thleng thei dingah Pathian in in ko a si.

2022-2027 hrang a thupi mi pawl

- **Thlengawnak kaihruai daan:** Zirnak, thilthar tuahnak le a ttul daan vek in um theinak thawn kawhhran tlangawak nak hrang timtuah ding a si. Himi pawl ah Jesuh dungthlun daan a phun phun le kawhhran sinak daan a phun phun telh a si.
- **Hruaitu tthanso ternak:** Hruaitu sinak cak ter sin le zumnak hngekter sin in hruaitu pakhat cio kawhhran dinnak, pastor hnattuannak le hruaitu sinak pawl ah nuntu khuasaknak hawl ngah thei dingin.
- **San tinkim in dungthluntu sinak:** Congregation pawl le Pathian hnattuan pi zate thawn san tinkim in dunthluntu si theinak, zumnak cangsuak thei dingin le mino pawl hruaitu sinak le tthansonak lamzin nei dingah.
- **Danglamnak pom theinak:** Kawhhran in Pathian minung pawl ih danglamnak le zalenak cu sawm ngiar thei dingah kan thinlung, kan lungput, kan dun le daan, le kan sinak pawl cu danglamnak pom thei mi kawhhran ruangpi si thei dingah thleng aw a ttul a si.
- **Remdeihnak le Dingfelnak hawl:** Anabaptist-Mennonite zirhnak vek in congregation pawl remdeihnak le dingfelnak hawl theinak ding hrang ah bomnak le thazaang pek ding. Himi pawl ah Inntek mipahun le Khual mipahun pehzom awnak, Nikhua le leilung harhdannak thawn pehpar mi hnattuan, nunphung danglamnak co hlang theinak le phun hnam danglamnak um lo ding hrang kan tumtah a si.